

Албатта, биз Янги Ўзбекистонни барпо этиш ва Учинчи Ренессанс пойдеворини яратишда зиёлиларимизга катта ишонч билан қараймиз.

Шавкат МИРЗИЁЕВ



Hurriyat

Mustaqil gazeta

2025-yil
26-fevral
chorshanba
№ 8 (1435)

Gazeta 1996-yil dekabrda chiqqan boshlagan

www.uzhurriyat.uz



gazhurriyat@mail.ru



t.me/hurriyatuz



Hurriyat gazetasi

Ўзбекистон Республикаси Президентининг ФАРМОНИ

“ИККИНЧИ ЖАҲОН УРУШИДАГИ ҒАЛАБАНИНГ 80 ЙИЛЛИГИ” ЭСДАЛИК ЮБИЛЕЙ МЕДАЛИНИ ТАЪСИС ЭТИШ ТЎҒРИСИДА

2025 йил 9 майда Хотира ва қадрлаш куни ўтказилиши, шунингдек, Иккинчи жаҳон урушидаги ғалабанинг 80 йиллиги нишонланиши муносабати билан Ватан ҳимояси йўлида мардондор курашган буюк аجدодларимизга алоҳида эътибор ва чуқур эҳтиром кўрсатиш, ғалабага бебаҳо ҳисса қўшган Ўзбекистон фуқаролари — 1941-1945 йиллардаги уруш ва меҳнат fronti фахрийларини муносиб равишда иззат-икром билан шарафлаш мақсадида:

1. 1941-1945 йиллардаги Иккинчи жаҳон урушида қозонилган ғалабанинг 80 йиллиги шарафига “Иккинчи жаҳон урушидаги ғалабанинг 80 йиллиги” эсдалик юбилей медали таъсис этилсин.

2. Белгилаб қўйилсинки, “Иккинчи жаҳон урушидаги ғалабанинг 80 йиллиги” эсдалик юбилей медали билан Ўзбекистон Республикаси фуқаролари — “1941-1945 йиллардаги Улуғ Ватан урушида Германия устидан қозонилган ғалаба учун” ва “Япония устидан қозонилган ғалаба учун” медаллари билан, уруш йилларида жанговар хизматлари учун бошқа ордон ва медаллар билан мукофотланган ёки уруш қатнашчиси гувоҳномасига ёхуд Ватан уруши ногирони гувоҳномасига эга бўлган Иккинчи жаҳон уруши қатнашчилари ва уларга тенглаштирилганлар, шунингдек, Иккинчи жаҳон уруши йилларидаги фронт орти меҳнат фахрийлари, шу жумладан, “1941-1945 йиллар Улуғ Ватан урушидаги шавкатли меҳнати учун”, “Меҳнатдаги жасорати учун”, “Меҳнатда ўрнатқучлик учун” медалларига ёки 1941-1945 йиллардаги уруш даврида Қўроллик Қўчаларда фуқаро шахсларни эркин ёллаш бўйича штат лавозимида бўлганлиги тўғрисидаги гувоҳномага эга бўлган меҳнат fronti қатнашчилари мукофотланади.

3. Қўйидагилар:
“Иккинчи жаҳон урушидаги ғалабанинг 80 йиллиги” эсдалик юбилей медали тўғрисидаги низом 1-иловага мувофиқ;
“Иккинчи жаҳон урушидаги ғалабанинг 80 йиллиги” эсда-

лик юбилей медали ва тавсифи 2-иловага, унинг гувоҳномаси ва тавсифи 3-иловага мувофиқ тасдиқлансин.

4. Ўзбекистон Республикаси Мудофаа вазирлиги, Ички ишлар вазирлиги, Давлат хавфсизлик хизмати Камбағалликни қисқартириш ва бандлик вазирлиги ҳамда Иқтисодиёт ва молия вазирлиги ҳузуридаги бюджетдан ташқари Пенсия жамғармаси билан биргаликда икки ҳафта муддатда “Иккинчи жаҳон урушидаги ғалабанинг 80 йиллиги” эсдалик юбилей медали билан мукофотланиши лозим бўлган 1941-1945 йиллардаги уруш фахрийлари ва ногиронларининг, меҳнат fronti қатнашчиларининг аниқ рўйхатини тузиб, Вазирлар Маҳкамасига киритсин.

5. Ўзбекистон Республикаси Вазирлар Маҳкамаси: Марказий банк ва “Сувенир” масъулияти чекланган жамияти билан биргаликда бир ой муддатда “Иккинчи жаҳон урушидаги ғалабанинг 80 йиллиги” эсдалик юбилей медаллари ва уларнинг гувоҳномалари бланклари белгиланган тартибда Вазирлар Маҳкамасининг захира жамғармаси маблағлари ҳисобидан тайёрланишини таъминласин;

икки ҳафта муддатда эсдалик юбилей медалларини топшириш ва Ўзбекистон Республикаси Президентининг 2025 йил 19 февралдаги “Иккинчи жаҳон уруши қатнашчиларини рағбатлантириш тўғрисида”ги ПФ-24-сон Фармонида назарда тутилган бир марталик пул мукофотларини тўлаш тартибини белгиласин.

6. Мазкур Фармоннинг ижросини назорат қилиш Ўзбекистон Республикасининг Бош вазири А.Н.Арипов ва Ўзбекистон Республикаси Президенти ҳузуридаги Хавфсизлик кенгаши котиби В.В.Махмудов зиммасига юклансин.

Ўзбекистон Республикаси
Президенти
Ш.МИРЗИЁЕВ

Тошкент шаҳри,
2025 йил 25 февраль



ЖАҲОН МАТБУОТИ САҲИФАЛАРИДА

ПОКИСТОНДАГИ “DAILY ITTEHAD” ГАЗЕТАСИНING ЎЗБЕКИСТОНГА БАҒИШЛАНГАН МАХСУС СЕНИ ЧОП ЭТИЛДИ

Покистон Бош вазири Шахбоз Шарифнинг Ўзбекистонга расмий ташрифи арафасида ушбу мамлакатдаги “Daily Ittehad” газетасининг Ўзбекистонда кечаётган ислохотлар ва икки томонлама муносабатларга бағишланган махсус сени чоп этилди.



Нашрда журналист Муҳаммад Аббас Ханнинг “Покистон ва Ўзбекистон тинчлик ва тараққиёт йўлида”, БМТнинг Инсон ҳуқуқлари қўмитаси аъзоси, академик Акмал Саидовнинг “Янги Ўзбекистон дипломатияси: жадал ва

самарали қадамлар”, газета бош муҳаррири Таҳир Фаруқнинг “Лаҳорда Ўзбекистон сонаот маҳсулотлари кўргазмаси ўтказилди” ва “Тараққиёт стратегияси” маркази ижрочи директори Элдор Туляковнинг “Ўзбекистон: 2030: Янги давлат дастурининг аҳоли ҳаётидаги аҳамияти” сарлавҳали мақолалари чоп этилган.

Жумладан, журналист Муҳаммад Аббас Ханнинг “Покистон ва Ўзбекистон тинчлик ва тараққиёт йўлида” сарлавҳали урду тилида чоп этилган мақоласида икки мамлакат ўртасида дипломатик ва иқтисодий алоқалар сўнгги йилларда изчил ривожланиб, янада мустақамлаётигани таъкидланган. Бош вазир Шахбоз Шарифнинг Ўзбекистонга бўлажак ташрифи эса ўзаро ҳамкорлик ва минтақавий тараққиётнинг янги даврини очиб бериши, мамлакатларимиз ўртасидаги ришталарни кучлироқ жипслаштириши, боғлиқлик ташаббусларини ҳаётга татбиқ этиши жадаллаштиришига ургу берилган.

2-6.

ПОКИСТОН БОШ ВАЗИРИ ЎЗБЕКИСТОНГА КЕЛДИ

Ўзбекистон Республикаси Президенти Шавкат Мирзиёевнинг таклифига биноан Покистон Ислон Республикаси Бош вазири Шахбоз Шариф 25 февраль куни расмий ташриф билан Ўзбекистонга келди.

Икки мамлакат халқларини мустақам тарихий алоқалар боғлаб турса, бугунги ривожланган даврдаги ҳамкорлик изчиллиги барқарор ва ишончли бўлади. Ўзбекистон ва Покистонни ана шундай ришталар бир-бирига эш қилади.

Бу ришталар эса Буюк ипак йўлининг умумий маданий аъёналари каби тарихий манбалардан қувват олади.

Покистон — Ватанимиз мустақиллигини биринчилардан бўлиб тан олган мамлакатлардан бири. Икки давлатнинг муштарак манфаатларга асосланган ҳамкорлиги йилдан-йилга ривожланиб бормоқда.

Тошкент шаҳри халқаро аэропортида олий мартабали меҳмонни Ўзбекистон Республикаси Бош вазири Абдулла Арипов ва бошқа расмийлар қутиб олди.

Олий мартабали меҳмон шарафига икки мамлакат

давлат байроқлари кўтарилиб, фахрий қоровул саф тортиди.

Сўнг Покистон делегацияси “Янги Ўзбекистон” боғига ташриф буюрди.

Олий мартабали меҳмон Мустақиллик монументи пойга гул қўйди.

Мажмуа билан қисқача танишув асосида Покистон делегацияси вакиллари бу ерда акс эттирилган сиймолар ва тарихий воқеалар мазмуни ҳақида батафсил маълумот берилди.

Ташрифнинг асосий тадбирлари 26 февраль куни бўлиб ўтади.

Бўлажак олий даражадаги музокаралар кун тартибидан Ўзбекистон — Покистон стратегик шериклик ва қўл қиррали ҳамкорлик муносабатларини янада ривожлантириш ва кенгайтириш масалалари ўрин олган.

Халқаро ва минтақавий аҳамиятга молик долзарб масалалар юзасидан фикр алмашиллади.

Саммит якунида Қўшма декларация ва қатор икки томонлама ҳужжатлар қабул қилиниши режалаштирилган.

ЎЗА



ИФТИХОР

Сирожиiddин САЙИД,
Олий Мажлис Сенати аъзоси,
Ўзбекистон халқ шоири



АРМИЯ ВА ТАРБИЯ

Янги Ўзбекистоннинг миллий армиясида
Шоирлар ҳам сафдошдир таълим-тарбиясида.

Яъни ҳар бир ижодкор, ҳар ёзувчи ё адиб —
Сардор бўлмоғи керак билимдон ва ботартиб.

Ҳар жанговар аскарнинг биз ҳам тенг-тўшларимиз,
Қалам-ла қуролланган қуролли кучларимиз.

Ким Темурхон бобонинг қудратини билмаган?
Бобо орзу қилган, лек ҳаёлига келмаган:

Кимки шубҳа қилгайдир доғруғи, камолига —
“Темурбеклар мактаби” жавобдир саволига.

Инчунин ҳар бир зобит, ҳар сипоҳ, ҳар байроқдор,
Кечган шонли жанглардан бўлмоғи шарт хабардор.

Миллат хоки пойларин тавоф қилса арзийди,
“Зафарнома” яратмиш мавлоно Али Яздий.

Давлати пойдорлиқнинг мангу гувоҳномаси —
“Зафарнома” эмас, бу — буюк халқ шоҳномаси.

Ўпгил, эй Европа сен, бармоқ, узукларидан,
Ҳануз сабоқ олгайсан “Темур тузуқлари”дан.

Бутун олам аҳлига ҳарбий номамдир менинг,
Жангномам, курашномам — “Бобурнома”мдир менинг.

Ватан — жон ва тандадир, жон Ватан — жон ва тандир,
Ватанпарвар инсонлар жон чекиб, жон тиккандир.

“Иёлу Ватан узра то жони бор, — деб айтган,
Киши ҳарб этар токи имкони бор”, деб айтган,

Навоий бобомиздан тимсол келтирсам агар,
Неча минг кўнгилларни уйғотмоғи муқаррар.

Ҳар шоир, ҳар аскарга қатъият, шиддат керак,
Азму шижоат керак, азму маърифат керак.

Бунда ҳар он асқотар ақлу фаҳму фаросат,
Дунёвий билимлар ҳам матонат ва садоқат.

Бу қандай дилбар диёр, дил диёр, дилдор диёр,
Аскарларим ҳам бедор, шоирларим ҳам бедор.

Аммо олам авзойи — кеча-кундуз талотун,
Боисин айтолмагай бирор Алп ё Афлотун.

Фитрат домла айтгандай: Дунё — кураш майдони,
Бир томони тошқинлар, ёнғиндир бир томони.

Дунёнинг дунёликка қолмагандай ҳоли ҳам,
Қирғинбарот урушлар давом этар ҳали ҳам.

Ўттиз етти миллён халқ, ўттиз етти миллён қалб,
Қалбим, сен ҳам шу сафда ҳушёр бўлгил, уйғон, қалқ!

Токи хавфу хатар бор, шудир темир тарбия:
Ҳар биримиз — посбонимиз, ҳар биримиз — армия.

Халқу Ватан ташвиши — барчаннинг тенг ишидир,
Бугун ҳар безовта қалб — хавфсизлик кенгашидир.

Шу боисдан тинчлиги тинч осмонингга шараф,
Биз згулик тарафимиз, бизлар халқимиз тараф.

Менинг ҳам кўксим тўла ғурур билан ифтихор:
Ўзбек армияси бор! Ўзбек халқи ҳам пайдор.

Ўйласам шул Ватанни — жимирлар кўнгилларим,
Эй, менинг сарбозларим! Менинг генералларим!

Шонли, шавкатли диёр, шу сафда мен ҳам борман,
Не бахтим, саодат бахтингиз дахлдорман.

Дунёда Ватан танҳо, халқу миллат ягона,
Миллат бедор бўлса гар, тинч бўлгайдир замона.

Ўттиз етти миллён халқ, яна шунча дил, юрак,
Ҳушёр яшамоқ керак! Ҳушёр яшамоқ керак!

Миллён-миллён бешиқда — чақалоқлар лашкари,
Тамшаниб ўсмоқдадир — келажакнинг аскари.

Лашкар бехатар бўлмас, айтиб кетган боболар,
Оналар дуо айлар, дуо айлар момолар.

Она юрт, ота макон, мен ҳам бир аскарингман,
Уйғоқ қаламим бирлан хизматкор навқарингман.

Англадимки: дунёда на жон, на тан абадий,
Фақат Ватан абадий, фақат Ватан абадий.

Менинг ҳам ҳар бир шеърим — ҳаёту мамотимдир,
Олий Бош қўмондонга ичган қасамёдимдир.

“Халқ сўзи” газетасининг 2025 йил 25 февраль №39-сонидан олинди.

ПОКИСТОНДАГИ “DAILY ITTEHAD” ГАЗЕТАСИНING ЎЗБЕКИСТОНГА БАҒИШЛАНГАН МАХСУС СОНИ ЧОП ЭТИЛДИ

1-6

“Олий даражали ташриф чоғидаги очик ва дўстона сиёсий мулоқот иқтисодий муносабатларни илгари суриш мақсадида манфаатли савдо йўлакларидан фойдаланиш ва янги минтақавий боғлиқлик ташаббусларини келишиш, автомобиль ва темир йўл транспорт инфратузилмаларини ривожлантириш, миллий иқтисодиётлар учун бир-бирларининг ҳамда янги бозорларга чиқиш учун шароит яратиш, минтақавий тинчлик, хавфсизлик ва барқарорлик учун ҳамкорлик қилишнинг янги механизмларини ишлаб чиқиш учун пойдевор бўлиши кутилмоқда”, – деб ёзган муаллиф. Муҳаммад Аббас Хан ўз хулосасида, Ўзбекистон ва Покистон ўртасидаги стратегик ҳамкорлиқнинг шахдам қадамлар билан ривожланиши нафақат икки мамлакат, балки қўшни минтақалардаги тараққиёт ва умумий фаровонликка ижобий таъсир ўтказди, деб таъкидлаган.

Академик Акмал Саидов муаллифлигидаги мақолада эса мамлакатимиз Президенти Шавкат Мирзиёевнинг 2024 йилдаги фаол, прагматик ва очик ташқи сиёсати, хорижий ҳамкорлар билан олий даражали учрашувлар доирасида эришилган муҳим келишувлар, дипломатия йўналишида кўлга киритилган ютуқлар ҳамда олинган турган мақсад ва вазифалар тўғрисида батафсил маълумотлар берилган.

Хусусан: “Яқунига етган йилда Янги Ўзбекистон олиб борган фаол ташқи сиёсат сарҳисобини ҳолис таҳлил қилар эканмиз, шубҳасиз, глобал миқёсда шиддатли ўзгаришлар юз бераётган, синов ва таҳдидлар шароитида Янги Ўзбекистон дипломатиясининг мамлакатимиз иқтисодий ва сиёсий қудратини янада юксалтириш, миллий манфаатлар устуворлигини таъминлаш, жаҳон ҳамжамиятида ижобий ҳалқаро имижини мустаҳкамлаш билан чамбарчас боғлиқ бўлган ютуқларига гувоҳ бўламиз”, – дейилади.

Шунингдек, муаллиф 2024 йил давомида Президент Шавкат Мирзиёев 17 та халқаро ташрифни амалга оширгани, ташрифлар доирасида 100 дан ортиқ учрашув ва музокаралар ўтказгани, 140 дан ортиқ халқаро тадбирларда иштирок этгани, 264 та икки ва кўп томонлама халқаро шартнома ва ҳужжатлар имзолагани, инвестиция лойи-



ҳаларини амалга ошириш бўйича келишувлар 2000 дан ортгани, инвестиция лойиҳалари ва савдо битимлари қиймати қарийб 120 миллиард АҚШ долларини ташкил этганига алоҳида эътибор қаратган.

“Daily Ittehad” газетаси бош муҳаррири Таҳир Фаруқ қаламига мансуб мақолада жорий йил 11-13 февраль кунлари “Lahore Expo Centre” марказида мамлакатимизнинг “Made in Uzbekistan” саноат кўргазмаси ўтказилгани, унинг доирасида умумий қиймати 500 миллион АҚШ долларига тенг 181 та шартнома имзолагани хабар қилинган.

Уч кун давомида Ўзбекистонда ишлаб чиқарилган тўқимачилик, чарм-пойабзал, электротехника, қишлоқ хўжалиги, озиқ-овқат, мебель ва ёғочсозлик, кимё, фармацевтика саноати маҳсулотлари, қурилиш материаллари ҳамда туризм салоҳиятига бағишланган кўргазмага 80 мингдан ортиқ одам келди. Тадбир доирасида икки давлат бизнес доиралари ўртасида 500 дан ортиқ “B2B” шаклида музокаралар ўтказилди.

Журналист Таҳир Фаруқ ўзбек тадбиркорлари делегацияси Панжоб вилоятининг йирик саноат марказлари – Файсалобод, Сиялкот, Гужранвала, Гужрат, Бахавалпур, Мўлтон ва Шейхпура шаҳарларига ташриф буюриб, мазкур ҳудудлардаги иختисослашган корхоналар ва уларнинг ишлаб чиқариш қувватлари билан яқиндан танишганини, аниқ лойиҳалар бўйича дастлабки келишувларга эришганини юксак баҳолаган. “Тараққиёт стратегияси” маркази ижрочи директори Элдор

Туляков ўз мақоласида ёзганидек, мамлакатимизда 2025 йилга мўлжалланган Давлат дастури лойиҳаси кенг жамоатчилик ва экспертлар муҳокамасидан ўтказилди, 100 га яқин концептуал ҳамда мингдан ортиқ таҳририй таклифлари инobatга олинган ҳолда, ҳужжат расман қабул қилинди.

Мақолада давлат дастури доирасида аҳоли ҳаёт сифатини яхшилаш, экологик барқарорлиқни таъминлаш ва “яшил иқтисодиёт” тамойилларини кенг жорий этиш устувор вазифалардан бири сифатида белгилангани, яшил ҳудудларни кенгайтириш, пийдалар ва велосипед йўлакларини яратиш, экологик тоза жамоат транспортини ривожлантириш, ёмғир ва оқова сувларни қайта ишлаш орқали сув ресурсларидан оқилона фойдаланиш бўйича муҳим чоралар белгилаб олингани ижтимоий давлат қуриш борасидаги муҳим қадам дея таъкидланган.

“Ҳужжатда 2025 йилда иқтисодий ўсиш камида 6 фоиз, саноат 6 фоиз, бозор хизматлари 14,5 фоиз, қишлоқ хўжалиги 4,1 фоизга ўсиши мақсадли вазифа сифатида белгиланган. Мактабгача таълим қамровини ошириш мақсадида олис ва чекка ҳудудларда мобил гуруҳлар, ҳар бир туман ва шаҳарда инклюзив таълим талабаларига жавоб берадиган мактаблар ташкил этилади. Шунингдек, 3,5 минг камбағал оила фарзандлари олий таълим муассасаларига грант асосида қабул қилинади”, – дейилган.

“Дунё” АА,
Исломобод шаҳри.

УЮШМА ФАОЛИЯТИДАН

ИККИ ВИЛОЯТ ЖУРНАЛИСТЛАРИ ФИКР АЛМАШДИЛАР

Ўзбекистон Журналистлар уюшмаси томонидан ҳудудларда ОАВ ходимлари учун доимий равишда минтақавий семинарлар, медиатурлар ва соҳага доир бошқа тадбирлар ўтказиб келинмоқда. Утган ҳафтада Сирдарё ва Жиззах вилоятлари журналистларини бирлаштирган ана шундай тадбирлардан бири Жиззах шаҳридаги Қозон Федерал университети филиалида бўлиб ўтди.

“Замонавий журналистика: оммавий ахборот воситаларининг бугунги ҳолати ва ривожланиш тенденциялари” мавзусида ўтказилган минтақавий семинарда Жиззах ва Сирдарё вилоятидаги оммавий ахборот воситалари ходимлари, устоз журналистлар, интернет нашрлари муҳбирлари, шунингдек, Қозон Федерал университети филиалида журналистика йўналишида тахсил олаётган талаба-ёшлар иштирок этди. Тадбирда миллий медиа маконимиздаги рақобат муҳити, ўзгаришлар жараёнлари, медиасаводхонлиқнинг аҳамияти, замонавий журналистиканинг ривожланиш тенденциялари ҳақида атрофлича сўз юритилди.

Икки вилоят журналистларининг бир-бири билан тажриба алмашиш, ўзаро дўстлик ришталарини, ҳамкорлик муносабатларини



янада мустаҳкамлаш имконини берган тадбир якунида Қозон Федерал университетининг Жиззах филиалида журналистика йўналишида тахсил олаётган талабаларга Ўзбекистон Журналистлар уюшмаси томонидан нашр этилган “Олтин қаламли журналистлар” китоби тўхфа этилди.

БОСМА ОАВДА СУНЪИЙ ИНТЕЛЛЕКТДАН ФОЙДАЛАНИШ КЕРАКМИ?

Бугун сунъий интеллект жамиятнинг турли соҳаларига жадал кириб бормоқда. Электрон оммавий ахборот воситалари эса алпақачон бу тизим имкониятларини ишга солиб, самарали натижалар олишга ҳам улгурди. Айни кунда босма нашрларда ҳам сунъий интеллект имкониятларидан фойдаланишга киришилмоқда.

Тошкент вилоятининг Чиноз туманидаги “Қир” маҳалла фуқаролар йиғини биносидан ана шу масалага бағишланган “Босма ОАВда сунъий интеллектдан фойдаланиш имкониятлари ва масъулият” мавзусида семинар ўтказилди. Унда Тошкент вилоятидаги газета ва журналларда фаолият олиб бораётган журналистлар ҳамда ёш қаламкашлар иштирок этди.

Уюшманинг Тошкент вилояти бўлими раиси Раҳматилла Шералиев олиб борган семинарда Ўзбекистон Журналистлар уюшмаси раиси в.б. Холмурод Салимов Президентимиз Шавкат Мирзиёевнинг 2024 йил 14 октябрдаги қарори билан тасдиқланган “Сунъий интеллект технологияларини 2030 йилга қадар ривожлантириш стратегияси”да белгилаб берилган вазифалар, босма ОАВда сунъий интеллект имкониятларидан фойдаланиш орқали иш сифати ва самардорлигини ошириш йўллари ҳусусида сўз юритди.

Тадбирда “Янги медиа таълим маркази” директори, тажрибали журналист Беруний Алимов мавзу бўйича маъруза қилиб, босма ОАВда сунъий интеллект имкониятларидан самарали фойдаланиш, аниқ жараёндаги масъулият ва янгиликлар бўйича маълумот берди.

Қайд этилганидек, газета ва журналларнинг шрифтларини аниқ замон талабига мослашда маслаҳатлар олиш, қандай шрифтлар урфда эканлигини билиш,



газета ва журналларнинг қўримлилиги, кўзга ташланиб туриши, ўқувчиларни газетадан бездирмайдиган ранглардан фойдаланиш, нашрда реклама бериш сирлари, ҳар қандай реклама турларини газетга мослаштиришни ўрганиш, трендда бўлиб турган мавзуларни аниқлаш қабиларда сунъий интеллектдан фойдаланиш мумкин.

Тадбирда сунъий интеллектни босма ОАВда қўллаш жараёнида журналистдан ҳушёрлик ва масъулиятни талаб этадиган жиҳатлар ҳам борлиги қайд этилди. Жумладан, бу ақли тизим яратган контент янгилик ёки бир томонлама бўлмаслиги учун инсон назорати керак; яратилган контент муаллифлик ҳуқуқларини бузмаслиги лозим; сунъий интеллект ёрдамида сохта маълумотлар ҳам тарқатиш мумкинлиги сабабли, ахборотнинг ҳаққонийлигини таъминлаш муҳим. Шунингдек, журналистикада сунъий интеллектдан фойдаланиш ахлоқий тамойилларга мувофиқ

бўлиши керак.

Эркин мулоқот тарзида ўтган тадбирда АОКА Тошкент вилояти бошқармаси бошлиғи Шаҳбоз Низомиддинов, “Тошкент ҳақиқати” газетаси бўлим мудири Тўхтамурод Ҳасанбоев, “Эркин сўз” газетаси муҳбири Элмурод Мирзаахмедов, “Чиноз ҳаёти” газетаси бош муҳаррир Уринбосари Абдужалол Раҳимов мавзу бўйича фикр-мулоҳазаларини, таклиф ва тавсияларини билдирди. Бундай тадбирлар газета ва журналларда фаолият олиб бораётган журналистларнинг сунъий интеллект имкониятларидан фойдаланиш бўйича билим ва малакаларини оширишда муҳим аҳамият касб этишини таъкидладилар.

Семинар якунида бу каби семинарларни вилоятнинг бошқа ҳудудларида ҳам ҳамкорликда ташкил этишга келишиб олинди.

Ўзбекистон Журналистлар уюшмаси
Ахборот хизмати.

ИЗЛАНИШ

ЎЗБЕКИСТОН ВА ОЗАРБАЙЖОН:

ЧУҚУР ИЛДИЗГА ЭГА ҲАМКОРЛИК



Сўнгги йилларда Ўзбекистон Республикасида виночиликни ривожлантиришга катта эътибор қаратилиб, мазкур соҳага замонавий технологиялар жорий қилинмоқда. Янги вино туризм йўналишлари ва вино фестиваллари, маҳаллий виночилик саноатини туризм билан бирлаштиришга ёрдам бермоқда.

Тошкент кимё-технология институтининг “Энология ва бижғиш маҳсулотлари технологияси” кафедраси Ўрта Осиё давлат университети “Виночилик ва бижғиш маҳсулотлари технологияси” кафедраси негизда 1938 йилда таниқли олим, профессор М.А.Ховренко ташаббуси билан ташкил этилган бўлиб, унинг ўзи кафедрага раҳбарлик қилган.

Кафедра ташкил этилгандан буён қўллаб-таъкидлаш олимлар, фан докторлари, фан номзодлари (PhD), шунингдек, 2000 дан ортиқ спиртли ва алкогосиз ичимликлар ишлаб чиқариш технологияси йўналишлари бўйича мутахассислар тайёрланган. Бундан ташқари, кафедрада шакар ишлаб чиқариш бўйича ҳам етук кадрлар етишиб чиққан. Кафедрада микробиология, озиқ-овқат кимёси, техно-кимёвий назорат лабораториялари мавжуд бўлиб, улар замонавий ускуналар билан жиҳозланган.

Тошкент кимё-технология институти талабалари лаборатория амалиётларини бажариш жараёнида ҳам фаол иштирок этмоқда. Жумладан, “Ўзбекистон шампани” АЖ корхонасида институт талабалари учун дуал таълим тизими йўлга қўйилган бўлиб, бу талабаларнинг назарий ўқиш билан бир вақтда корхонада ишлаб, амалий кўникмаларни ҳосил қилиш, тажрибасини ошириш имконини беради.

Ўзбекистон Республикаси Президентининг 2023 йил 3 августдаги “2023-2026 йилларда узумчилик ва виночилик соҳасини янада ривожлантиришга қаратилган чора-тадбирлар тўғрисида”ги қароридан белгиланган вазифалар ижросини таъминлаш мақсадида Тошкент кимё-технология институти, “Ўзбекистон шампани” АЖ, Озарбайжон Республикасининг Товуз шаҳридаги “Naig Co” “Товуз-Балтия” МЧЖ корхонаси раҳбарлари ўртасида учрашув ўтказилди.

Унда институт талабалари, докторантлари ва профессор-ўқитувчилари учун ишлаб чиқариш корхоналарида амалиёт ўташлари, талабалар, илмий тадқиқотчилар иштирокида олиб борилаётган илмий тадқиқотлар натижаларини ишлаб чиқаришга жорий этиш юзасидан келишувларга эришилди, уч томон-

лама ҳамкорлик меморандуми имзоланди.

Ҳамкорлик меморандумига асосан, Тошкент кимё-технология институтининг “Виночилик технологияси, бижғиш маҳсулотлари ва алкогосиз ичимликлар технологияси” йўналиши талабалари ҳамда “Энология ва бижғиш маҳсулотлари технологияси” кафедраси профессор-ўқитувчилари ва талабаларидан ташкил топган гуруҳ Озарбайжон Республикаси Товуз шаҳрида жойлашган “Naig Co” “Товуз-Балтия” МЧЖ корхонасида малака ошириб ўтадилар.

Маълумки, Озарбайжон ва Ўзбекистон виночилик аъёналари чуқур тарихий илдизларга эга бўлиб, у минг йиллар давомида ривожланиб келган.

Таҳлилларга кўра, Ўзбекистонда 28 дан ортиқ ҳўраки ва винобоп узум нави етиштирилмоқда, шундан 13 таси Тошкент вилоятида. Вилоятда узумзорлар майдони 19 минг гектарни ташкил этмоқда. Етиштирилаётган узумларнинг 40 минг тоннадан зиёди 11 та мамлакатга, вино маҳсулотлари эса 9 та давлатга экспорт қилинади. Келгуси уч йилда вилоятда яна 20 минг гектар ҳосилдор узум майдонларини яратиш режалаштирилган.

Археологик топилмалар ва илмий тадқиқотларга кўра, Озарбайжонда виночилик маданияти эраимиздан аввалги 6-5 минг йилликларга бориб тақалади. 2023 йил Озарбайжонда умумий узум етиштириш ҳажми 200 минг тоннадан ошган, ишлаб чиқарилган вино ҳажми 100 миллион литрга етган, 50 миллион литр вино маҳсулотлари Россия, Хитой, Европа Иттифоқи давлатлари ва АҚШ давлатларига экспорт қилинган.

Амалиёт режасига кўра, Озарбайжонда дастлаб ўзбекистонлик талабалар узум териш жараёнига жалб қилинди. Бунда узум етилганининг аниқ вақтини белгилаш агро-

ном ва вино ишлаб чиқарувчи томонидан келишилгандан сўнг амалга оширилади. Корхона узумзорларида “Мерлоу”, “Ркацители” навлар етиштирилади. Талабалар томонидан ушбу узумлар таркибидagi шакар миқдори аниқлангач, териш жараёнлари бошланди.

Талабалар вино ишлаб чиқаришнинг дастлабки босқичидан тайёр маҳсулот кўринишига келгунга қадар бўлган бarchа жараёнларда, жумладан, йиғилган хомашёни бирамчи қайта ишлаш, шарбатини олиш ҳамда унинг лабораторияда сифат кўрсаткичларини аниқлашда иштирок этдилар.

Ўзбекистонлик талабалар амалиёт доирасида Озарбайжон маданияти, санъати ва тарихига оид маълумотлар билан танишди. Боку шаҳрининг диққатга сазовор жойлари, зиёратгоҳлари ва музейларига ташриф буюрдилар.

Озарбайжон давлатининг ишлаб чиқариш корхоналари ва олий таълим муассасалари билан ҳамкорлик алоқаларини ривожлантиришда институтнинг хорижий мутахассиси, тижоратлаштириш, билимлар трансфери ва саноат тармоқлари билан ишлаш бўлими бошлиғи Руслан Иманзаденинг ҳиссаси ниҳоятда каттадир.

Хорижий ташкилотлар билан шериклик алоқалари ва институтнинг академик ва илмий ҳамкорлик алоқаларини кенг ёритиш мақсадида Озарбайжоннинг “Dunya” телеканали “Xabarlar” информацион дастури орқали икки давлат ўртасидаги стратегик ҳамкорлик, хусусан, илм-фан ва саноат соҳаларидаги алоқалар ҳақида батафсил маълумот тақдим этилди. Ушбу ташаббуслар икки мамлакат илмий муассасалари ва саноат корхоналари ўртасида истиқболли лойиҳаларни шакллантиришга хизмат қилмоқда.

Ботир УСМОНОВ,
Тошкент кимё-технология
институти ректори,
профессор.

ДАВР БАЛОСИ

ГИЁХВАНДЛИК ВА НАРКОТИК МОДДАЛАР — ИЖСОҲИЯТ КУШАНДАСИ

Гиёхвандлик ва наркотик моддалар истеъмоли инсоният учун энг жиддий ижтимоий ва тиббий муаммолардан бири ҳисобланади. Бу иллат нафақат инсон соғлиғига, балки жамиятнинг иқтисодий, маънавий ва маданий ривожланишига ҳам салбий таъсир кўрсатади. Гиёхванд моддалар деганда инсоннинг ақлий ёки жисмоний ҳолатига таъсир қиладиган, муваққат равишда эйфория ёки бошқа ўзгаришларни келтириб чиқарадиган моддалар тушунилади. Айни пайтда дунёда уларнинг 20 га яқин турлари тайёрланиб, истеъмол қилинмоқда.

Бугунги кунда, айниқса, ёшлар орасида кенг ом-малашаётган синтетик гиёхванд моддалар (спайс, синтетик каннабиноидлар, амфетаминлар ва бош-қалар) замонавий гиёхвандликнинг энг хавфли тур-ларидан биридир. Бу моддалар кимёвий лаборато-рияларда ишлаб чиқарилади ва табиий гиёхвандлик воситаларидан анча кучли таъсирга эга. Синтетик моддаларнинг ўзига хос хусусиятлари шундан ибо-ратки, улар интернет орқали ёки оддий маҳсулот қиёфасида тарқатилади. Улар жуда оз миқдорда ис-теъмол қилинса ҳам, кучли психоактив таъсир кўр-сатади, бу кўпинча қайтмас соғлиқ муаммоларига дучор қилади. Синтетик гиёхванд моддалар деп-рессия, паранойя, галлюцинация ва ҳатто кома ёки ўлим ҳолатига олиб келиши мумкин.

Синтетик моддаларга қарши курашишда жа-миятда хабардорликни ошириш ва қонунчилик чо-раларини кучайтириш жуда муҳимдир. Гиёхвандлик инсон организмнинг барча тизимларига жиддий зар-рар етказиши мумкин. Асаб, юрак-қон томир, нафас олиш ти-зимлари ҳамда жигар ва буйрак каби муҳим аъзолар фаолияти бузилади. Наркотик моддалар истеъмоли инсонни жисмоний ва руҳий жиҳатдан бутунлай заифлаштиради. Унинг оқибатида асаб тизими фао-лияти бузилиб, депрессия ва стресс ҳолатлари пайдо бўлади, иммунитет тизими заифлашади, бу эса турли касалликларга олиб келади.

Афсуски, гиёхвандлик моддалари кўплаб дав-латларда ишлаб чиқарилади ва тарқатилади. БМТ Наркотик моддалар ва жиноятчиликка қарши кура-шиш бошқармаси (UNODC) маълумотларига кўра, гиёхванд моддалар етиштирилаётган асосий худуд-лар сифатида Афғонистон, Колумбия, Перу, Боли-вия, Мексика, Марокаш, Мьянма, Лаос ва Таиланд каби давлатлар етакчилик қилмоқда. Ушбу давлат-ларда ишлаб чиқарилаётган гиёхванд моддалар жа-ҳон бозорига чиқиб, турли мамлакатларда тарқал-моқда. Гиёхванд моддалар ишлаб чиқарилишининг олдини олиш учун халқаро ҳамкорлик ва қатъий чо-ра-тадбирлар зарур. Жаҳонда гиёхвандликка чали-ниш ҳолатлари жуда кенг тарқалган. БМТнинг Нар-котик моддалар ва жиноятчиликка қарши курашиш бошқармаси (UNODC)нинг 2023 йилги ҳисоботи-га кўра, дунёда 300 миллиондан ортиқ одам наркотик моддаларни истеъмол қилади. Уларнинг катта қис-ми ёшлардан иборат бўлиб, айниқса, 15-35 ёш оралиғи-даги гуруҳга тегишлидир.

Ўзбекистонда эса 2024 йилдаги маълумотлар-га кўра, 7 мингдан ортиқ гиёхванд шахслар рўйхат-га олинган. Давлат томонидан гиёхвандликка қарши ку-рашиш учун қатор чора-тадбирлар амалга оширил-моқда, жумладан, реабилитация марказлари таш-



қил этилган ва таълим муассасаларида профилак-тика тадбирлари ўтказилмоқда.

Ўзбекистон Республикасида гиёхвандлик ва нар-кожиноятларга қарши курашиш бўйича 2024-2028 йилларга мўлжалланган Миллий стратегия ишлаб чиқилган. Бу стратегия доирасида гиёхванд модда-ларнинг ноқонуний айланмасига қарши қатъий на-зорат ўрнатиш, ёшлар орасида профилактик тад-бирларни кучайтириш, даволаш ва реабилитация марказларини кенгайтириш, замонавий тиббий усул-ларни жорий этиш, оммавий ахборот воситалари ор-қали гиёхвандликнинг зарарлари ҳақида кенг қам-ровли ахборот тарқатиш каби вазифаларни амалга ошириш белгилаб олинган.

Муқаддас Ислom дини ҳам гиёхвандлик ва нар-котик моддалар истеъмолини қатъий тақиқлайди. Гиёхвандлик инсоннинг ақл-заковати-га ва соғли-ғига жиддий зарар етказгани учун, у Ислomда ҳа-ром қилинган. Шу боис гиёхвандликка қарши ку-рашиш нафақат ҳуқуқий ёки тиббий, балки диний нуқтаи назардан ҳам муҳим ҳисобланади. Пай-ғамбаримиз Муҳаммад соллаллоҳу алайҳи васал-ламнинг ҳадисларида ҳам ҳар қандай инсон соғли-ғини заифлаштирадиган ва ақлга зарар келтира-диган моддалардан узоқ туриш тавсия этилган. Шу боис гиёхвандликка қарши кураш нафақат ҳуқуқий ёки тиббий, балки диний нуқтаи назардан ҳам му-ҳим ҳисобланади.

Бугунги кунда ёшларни гиёхванд моддалар таъ-сиридан ҳимоя қилиш учун қуйидаги чора-тадбир-ларни амалга ошириш лозим:

— мактаб ва олий таълим муассасаларида гиёхвандликнинг зарари ҳақида ўқув дастурлари

жорий қилиш, махсус маърузалар, тренинглар ва семинарлар ўтказиш;
— интернет ва ижтимоий тармоқларда доимий профилактик ахборот тарқатиб бориш;
— ёшларни спорт тўғрақлари, мусиқий ва ижодий жамоаларга жалб этиш;
— ёшлар орасида мусобақалар ва ижодий тан-ловлар ташкил қилиш;
— ота-оналар учун гиёхвандликка қарши про-филактика бўйича тренинглар ташкил қилиш;
— мактаб ва жамоат жойларида гиёхвандликка оид таъсирлар юзасидан назоратни кучайтириш;
— ёшлар орасида наркотик моддалар тарқати-лишини кузатиш ва профилактик чоралар кўриш;
— ёшлар учун беғул психологик маслаҳат хиз-матларини ташкил этиш;
— стресс ва руҳий қийинчиликларни енгиб ўтишга қаратилган дастурлар ишлаб чиқиш ва амалга ошириш лозим.

Гиёхвандлик ва наркотик моддалар истеъмоли инсоният олдида турган энг катта хавфлардан би-ридир. Унга қарши самарали курашиш учун ҳар бир инсон ўз ҳиссасини қўшиши муҳим. Бу иллатни йўқ қилиш учун жамиятдаги барча қатламларни бирлаш-тирувчи чора-тадбирлар муҳим аҳамият касб этади. Фақат шундагина соғлом ва барқарор жамиятни барпо этиш мумкин.

Алишер ИСОҚБОВ,
Наманган давлат педагогика институтининг
Ёшлар масалалари ва маънавий-маърифий
ишлар бўйича биринчи
профессори.

Ё, АЛҲАЗАР!

НОБАКОРНИНГ ҚИЛМИШИ ёхуд ўз отасини уриб ўлдирган ўғил

Эркин олий ўқув юртини битириб, дўхтир бў-либ ишлаётганида уни маҳалласидаги яхши бир қизга унаштиришди.

Дўхтирнинг тўғи зўр ўтди. Ҳовли эрталабдан сув сепиб супурилди. Қай-нота-қайнонанинг ҳам кўнгли ёришди.

Орадан анча йиллар ўтиб, ўғил-қизлари ҳам вояга етиб қолди. Тўғнчанини уйлантирди. Ора-дан йил ўтгач, кичиги ҳам уйланди. Тўғнчига бо-ла-чақали бўлиб кетди. Шу кенжаси Олим эса...

Кўп эрка учунми, ишқилиб, Олим ҳеч кимга кулоқ солмай қўйди. Ўз билганидан қолмасди. Отани ҳам, онани ҳам писанд қилмади. Биринчи турмуши бу-зилди. Олимнинг ахлоқсизлигидан безиган келин ке-тиб қолди.

Олимга ўхшаган бетайинларга хотин дегани ҳам тезда топилавераркан. Кўшини тумандан турмуши ўхшамай юрган бир жувоннинг ҳам пешонаси шўр экан. Ҳеч ким билан маслаҳатлашмай, турмуш қуриб олишди. Орада фарзандли ҳам бўлишди. Аммо Олимнинг эски “касали” қолмади. Оғирнинг устидан, енгилнинг остидан юриб, енгил ҳаётини тарқ этмади.

Иккинчи хотини ҳам “бор-э!” деди-да, алиментга гирифтор қилиб уйига жўнаб қолди. Орадан кўп ҳам ўтмай, у яна бир жувонга уйланди.

Олим ишлаш учун бошқа шаҳарга кетди, баласи тирик етим қолди. Алиментини отаси тўлайдиган бўлди. Анча вақтдан сўнг у икки қўлини бурнига ти-қиб шумшайиб қайтиб келди. Бошқа натижани қуттиш

мумкин эмас эди-да. Ишқўмас, дангаса, қийинчилик нима эканлигини билмасдан ўсган бу бетайин тузук бўлганда, ҳаёти шундай бўлармиди?

Хулласи калом, Эркин ака ўша куни нафақа пу-лини олиб, шаҳардан яхшигина бозорлик қилган-у уйига борган. Аёли ҳам қувониб: “Ош қилар экан-миз-да, отаси”, деган.

— Ҳа, бир ош даламган, бугун пенсиямни ол-дим-ку!

Бир дам ўтмай, ўғил Олим қаердандир ширақайф

бўлиб уйига кириб келади.

— Ўғлим, ишингни ташлаб бекор қилдинг-да, али-ментинг ҳам одамни безор қилди, — деди ота.

— Ишингиз бўлмасин, ўзим тўлайман, — деди у.

Шу тарика ота-бола ўртасида гап қочди. Олим-нинг ўнгиридан тортган отага ўғли бурилиб юзи ара-лаш мушт туширди. Ота шўрлик ўз пуштиқамаридан қанча мушт, қанча тепки еди.

Одам эмас, ваҳший ҳайвондек қутурган ўғил даст-идан жони оғриган отанинг фарёдини эшитган кўни-қўшниллар ичкарига кирганда, Эркин дўхтир беҳуш ётарди. Девор қон бўлиб кетганди. “Эркин Турдимовни ўғли уриб ўлдириб қўйибди”, деган совуқ хабар бир-пасда қишлоққа тарқалди...

Ўртада бечора онага жабр бўлди. Биргина суян-ган жуфти ҳалопидан жудо бўлди. Оқпадар ўғлидан эса...

Отасининг қотили деган лаънатларга учраган хотинбоз Олим узоқ йилларга озодликдан маҳрум этилди.

Кунлар, ойлар, йиллар ўтар, бир кун жазони ўтаб ҳам келар. Аммо...

Ўз отасининг қотили — падарқуш деган қора тамға-дан ҳеч қачон қутула олмаслиги аён. Аллоҳ ана шун-дай оқпадар фарзандлардан асрасин.

М. МАЛИКОВ,
Жиноят ишлари бўйича Сурхондарё вилоят суди
суъясси,
Чори ҚОРАҚУЛОВ,
журналист.

ХОРИЖ

МАКРОН РОССИЯ ВА УКРАИНА ЎРТАСИДА СУЛҲ ТУЗИЛИШИГА ИШОНАДИ

Франция президенти Эммануэл Макрон Вашингтонда АҚШ прези-денти Доналд Трамп билан учрашувдан сўнг яқин ҳафталарда Рос-сия ва Украина ўртасида сулҳ тузилиши мумкинлигига ишонишини айтди. Унинг қайд этишича, сулҳдан кейин узоқ муддатли тинчлик музокаралари олиб борилиши керак.

Шу билан бирга, Фран-ция президенти ҳар қан-дай тинчлик келишуви “Украинанинг таслим бўлиши” эвазига бўл-маслиги кераклиги, уни хавфсизлик кафолатлари билан мустаҳкамлаш за-рурлигини таъкидлади.

Макрон ва Доналд Трамп учрашувидан сўнг ўтказилган қўшма мат-буот анжуманида Трамп ҳам аввал сулҳ тузиш, ке-йин эса — узоқ муддатли тинчлик ўрнатишни мақсад қилганини айтди. Би-роқ у хавфсизлик кафолатлари ҳақида гапирмади.

Франция ва АҚШ президентлари тинчлик келишувининг бир қисми Ук-раинадаги Европа тинчликпарвар контингенти бўлиши кераклигига кели-шиб олишган. Трампнинг айтишича, у бу ҳақда Россия президенти Влади-мир Путин билан гаплашиб бўлган ва у, Трампнинг сўзларига кўра, бунга рози бўлади.

Аммо Россия расмийлари Украинада европалик ҳарбийларни жойлаш-тириш ғоясини олдин рад этган эди.



РОССИЯ АҚШГА АЛЮМИНИЙ ЕТКАЗИБ БЕРМОҚЧИ

Россия президенти Владимир Путин ўз мамлакатидеги нодир ме-талларни қазиб олиш бўйича АҚШ билан ҳамкорлик қилмоқчи. У икки мамлакат биргаликда алюминий ишлаб чиқариши мумкинлигини ҳам айтди. Бу ҳақда “kremlin.ru” сайти хабар берди.

“Биз Америка компа-ниялари билан ушбу йў-налишда ҳамкорлик қи-лиш ҳақида ўйлашимиз мумкин. Масалан, совет даврида Красноярск ўл-касида янги гидроэлектр станцияси қуриш ва қў-шимча алюминий ишлаб чиқариш корхоналарини ташкил этиш режалари мавжуд эди”, деди Путин.

У Россияда ерооти ме-таллари Украинадагига қараганда анча кўплигини таъкидлади. Шунингдек, Путин АҚШга икки миллион тонна алюминий етказиб беришга тайёрлигини айтди.

Эслатиб ўтаамиз, аввалроқ АҚШ президенти Дональд Трамп Россияда Вашингтон манфаатдор бўлган ресурслар, жумладан, нодир металлар бор-лигини айтган эди.



ИНСУЛЬТДАН КЕЙИН ҲАРАКАТНИ ТИКЛОВЧИ ҚУРИЛМА

Пирогов номидаги Россия миллий тадқиқот тиббиёт универси-тети ходимлари инсультга учраган беморларни, шунингдек, мия фалажи билан касалланган болаларни реабилитация қилишга ёрдам берувчи “Экзоскелет-М” янги экзоскелет мажмуасини ишлаб чиқди.

Шу каби бошқа ускуна-лардан фарқи ўлароқ, бу қурилмани кўтариб олиб юриш мумкин. Ши-фокорлар ушбу мосла-мадан оёқ-қўлларининг ҳаракат функцияларини қайта тиклай оладиган ётоқдаги беморлар бил-ан ишлашда фойдала-ниш имкониятига эга.

Қурилма электроэн-цефалография сиг-налларини қайд этувчи мия-компьютер интерфейсини ва шу орқали бошқариладиган қўл экзос-келетларини ўз ичига олади. Тизим визуал фикр-мулоҳазалар ёрдамида бармоқларни очиб ва ёпиш асосида ишлайди.



11 ЙИЛ АВВАЛ ЙЎҚОЛГАН САМОЛЁТ ҚАЙТАДАН ҚИДИРИЛАДИ

Австралиянинг ғарбий қирғоқларида 2014 йил 8 мартда йўқолган “Malaysia Airlines” авиакомпаниясига тегишли “Boeing 777-200” са-молётини қайта қидириш ишлари бошланди. “Куала-Лумпурдан Пе-кинга йўл олган ушбу самолёт радарлардан ғойиб бўлган эди”, деб ёзади “9News”.

Ҳаво кемаси Куала-Лумпурдан учиб кетгани-дан тахминан 40 дақиқа ўтиб охириги марта ало-қага чиққан. Ҳарбий ра-дар “Boeing” йўналишдан оғиб, Малайзиянинг ши-молий қисми ва Андаман денгизи устидан учиб ўт-ганини, кейин жанубга бу-рилиб, ғойиб бўлганини қайд этган. Лайнер бор-тида 239 киши бўлган.

Йўқолган самолётни “Ocean Infinity” ком-панияси қидирадиган бўлди. Агар компания ҳеч нарса топа олмаса, Малайзия ҳукумати иш учун ҳақ тўламайди.

Самолёт парчалари топилган тақдирда, уларни қим ўрганиши ҳали но-маълум. Асосий эътибор қора қутиларга қаратилади, чунки уларнинг таҳ-лили самолётга нима бўлганини аниқлашга ёрдам беради.



Интернет маълумотлари асосида
Мухаммадсоҳиб ТўРАЕВ тайёрлади.

ЭЪЛОН

Юридик шахсини давлат рўйхатидан ўтказиш тўғрисида 2012 йил 2 октябрда берилган №0001725-рақамли, реестр рақами №2033 бўлган Гувоҳномага асосан фаолият юритувчи “SHOXRUZBEK BIZNES SAVDO” МЧЖнинг думалок мухри йўқолганлиги сабабли

БЕКОР ҚИЛИНАДИ.

